

Zeitschrift: Nebelspalter : das Humor- und Satire-Magazin
Band: 87 (1961)
Heft: 34

Illustration: Der Raketenbastler
Autor: Sigg, Hans

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.05.2025

ETH-Bibliothek Zürich, E-Periodica, <https://www.e-periodica.ch>



Der Raketenbastler

Bantoffle-n-und Helde

Der Haiggi isch allewyl am Donnschtig z'Oobe z'spoot zem Jasse ko. Die andere Drey sinn pinktlig am Achte im Baizli gsässe. Aber si hänn alli Donnschtig e Viertelstund, oder *noh* lenger, miese-n-uff der Haiggi *warte*. Zletscht sinn si gstige-n-und hänn der Haiggi gfroggt: «Worum kunnsch denn du Simpel nie zer Zyt zem Jasse?» «Gschir abwäsche ...» het er brummllet.

«Jetz loos emol, Haiggi!» rootet em der Fritz. «Am näkschte Donnschtig z'Oobe lohsch aifach emool 's ganz Gschir am Bode keye. Derno sait dy Frau ganz gwis «Gang zem Deyfel, du Dotsch!; du hausch's und bisch zer Zyt am Achte do zem Jasse.»

Der Haiggi het's iberleggt und zletschtemänd versproche.

Am näkschte Donnschtig isch er zer Zyt im Baizli erschine – grad wo's Achte gschlage het gegenüber. Wunderfitzig hänn si alli welle

wisse, wie's jetz dahaim gange syg? «Was isch? Hesch's eso gmacht? Het si di zem Deyfel gschickt?



Hesch's Gschir falle loh?» sinn si alli mitenander uff en ydrunge. «Also, das isch e famoose Root gsi! 's ganz Gschir, alles zämme, ha-n-y am Bode-n-uusegsmisse. Und mer hänn doch e Staibode-n-in der Kuchi!»

«Jä und derno? Was het d'Frau gsait? Het si di zem Deyfel gjaggt?» Drey gspannti Gsichter hänn der Haiggi aagluegt.

«Nai», brummllet der Haiggi. «Gar nyt het si gsait. Si isch in de Ferie!»

Fridolin